



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Mediolanen. Archiepisc.

**urn:nbn:de:hbz:466:1-20006**

## 170 Epistolarum Innocentij III.

respondemus, quod monendus est laicus qui decimam detinet, ut eam restituat Ecclesia ad quam spectat. Quod si forsitan induci nequiverit, & eam cum dioecesani consensu alteri Ecclesiae assignaverit, praesertim religioso Conventui, constabit ipsa donatio perpetua firmitate subnixa. Auctoritates enim præmissæ, licet diversæ, non sunt tamen adversæ; cum aliud sit alienare quod ab Ecclesia possidetur, & aliud, quod detinetur a laico, ad usum ecclesiasticum revocare. In alienatione vero, juxta Leonis Papæ decretum, consensus Episcopi sine Cleri consensu non sufficit. In revocatione autem, juxta responsum Hieronymi, sufficit consensus Episcopi, cum per utrumque utilitati Ecclesiae confundatur. Nam & in Lateranensi Concilio est inhibitum ne quælibet religiosa persona Ecclesiæ & decimas de manibus laicorum sine consensu Episcoporum recipiat. Per quod rectè datur intelligi quod sufficit consensus Episcopi, ut licitum sit Ecclesia decimam de manu recipere laicali. [\* Hæc autem de iis decimis intellegimus quæ perpetuò sunt in feudum concessæ.] Datum Romæ &c. Non. Iulij, Pontificatus nostri anno primo.

### MIDRAN. PRESBYTERO.

*Epiſt. 314.  
Cardinalis ſen-  
tentiam ſeſe  
Pontifex con-  
firmare ait.*

**C**VM tu & B. presbyter Tarvisinus, qui se sufficientem procuratorem pro I. sacerdote, quem similiter in causam traxeras, in præsentia nostra gerebat, pro multis quæſtionibus inter vos habitis apud apostolicam constituti effetiſ, nos tibi & ei dilectum filium nostrum V. tt. S. Martini Presbyterum Card. dedimus auditorem. Ipſe autem auditis utriusque partis rationibus & plenius intellectis, habito consilio dilectorum filiorum P. tt. sanctæ Cæciliae Presbyteri, P. sanctæ Marie in via lata Diaconi Cardinalium, & Lotarij Subdiaconi nostri juris periti, & aliorum prudentum, de mandato & voluntate nostra ſententialiter diffinivit quod ſententia lata de mandato bone memoriae C. Papæ prædecessoris nostri à venerabili fratre nostro Episcopo & dilecto filio Archidiacono Tarvisin, ſuper reſtitutione & poſſeſſione beneficij Ecclesiæ de Meftre, cum ea integritye quam unquam melius habuit & poſſedit, ſicut appetit ex publicis instrumentis, firmiter feratur. Executionis quoque ſententiam

à venerabili fratre nostro Castellano Episcopo ſuper eodem negocio promulgatam, & qua prædictum B. in decem & octo libris Veneten, pro damnis illatis tibi condemnavit, ſententia ſtatuit inviolabiliter obſervandam; adjiciens quod nominatus B. legitime compelli deberet ad ſolvendam tibi pecuniam moratam & reſtituenda damna ex integro, pro fractione parietis camerae, cum officinis domus, quæ fueras conſecutus. Præmiſſos etiam B. & I. ad ſatisfacendum plenissimè de omnibus damnis tibi per te vel per tuos illatis ſimiliter condemnavit. Et quia dictus B. Presbyter ab apostolica ſede recedens, pro ſe reſponsalem, ſicut nos ipſi præceperamus, & etiam ipſe nobis promiferat, idoneum non reliquit, in expensis à te factis poſt receſſum ejus ipſum B. legitime condemnavit. Nos ergo præmiſſam ſententiam, ſicut rationabiliter lata eſt à dicto Cardinale, ratam habentes, auctoritate apostolica confirmamus, & præſentis ſcripti pagina communimus. Decernimus ergo &c. Datum &c. VII. Idus Iulij &c.

### MEDIOLANEN. ARCHIEPISC.

**C**VM pro his tibi preces apostolica porriguntur qui apud Romanam Eccleſiam obsequiis tuis & Ecclesiæ Mediolanen. iuſtunt, miramur non modicum ſi eas differas effectui mancipare; & ex hoc nos à te pro alienis minùs audientis præſumimus, à quo pro tuis familiaribus & domesticis non audimur. Meminimus enim quod olim tibi preces porrexerimus & mandatum, ut dilectum filium Bonacoram Clericum & nuncium tuum, qui apud ſedem apostolicam pro tuis diutiis obsequiis laboravit, in Canonicon Ecclesiæ beati Ambroſij recipi faceres, & beneficium quod in ea vacare dicebatur, ipſi ob reverentiam ſedis apostolicae aſſignari. Verūm (ſicut rerum demonstrat effectus) te id minùs ſolice procuraſte, Canonici ejusdem Ecclesiæ, cùm ad te dictæ literæ perveniſſent, poſt appellationem ad nos interpoſitam tres in tuos Canonicos receperes; mandato apostolico, quod pro eodem B. tibi porrectum fuerat, non admifſo. Quocirca fraternitati tuę per apostolica ſcripta mandamus quatenus revocato in irritum quicquid poſt appellationem ad nos interpoſitam ſuper beneficio ipſo in

*Epiſt. 315.  
Vt Bonacora  
Clericum &  
nuncium ſum  
Canonicon d-  
ſificat.*

ipius præjudicium inveneris attenta-  
tum, ei beneficium, si quod vacat, ap-  
pellatione remota non differas assignare.  
Datum &c. VIII. Idus Iulij &c.

C A R O A R C H I E P I S C O P O  
*Montis Regalis, ejusque successoribus  
canonicè substituendis in perpetuum.*

Epiſt. 316.  
A decessoribus  
jus induita pri-  
vilegia confir-  
mat.

**L**icet Dominus noster Iesu Christus Ecclesiam suam instituens, discipulis suis eandem super credentes ligandi ac solvendi dederit potestatem, unum tamen in ea, beatum scilicet Petrum Apostolum, voluit præminere, dicens: *Tu es Petrus, & super hanc petram ædificabo Ecclesiam meam; & quocunque ligaveris super terram, erit ligatum & in celis; & quocunque solveris super terram, erit solutum & in celis.* intelligendum ex hoc tribuens fidelibus universis quod sicut unus erat mediator Dei & hominum homo Iesus Christus, pacificans quæ in celis erant & quæ super terram, & dissolvens maceriarum parietem, ac faciens utraque unum, sic & in Ecclesia sua unum ex ipso & per ipsum omnium caput esset, ne in membris fieret ulla diversitas, quæ non per unius auctoritatem ac providentiam capit is ad unam fidei veritatem candemque religionis regulam reducerent & cultum. Quod etiam in eo loco monstratur, in quo & de confirmandis fratribus & pascendis dominicis oviibus præceptum à Domino nostro legitur ei datum. Ex hac itaque potestate, quæ ad beatum Petrum ex dominica traditio-  
ne pervenit, sacrosancta Rom. Ecclesia, quæ per Dominum Iesum Christum ab eodem beato Petro instituta est & fundata, super universas Ecclesias auctoritatem obtinuit ut ubique ratum esset ac solidum quod ipsius providentia statuisse. Quod etiam ab universis Ecclesiis per orbem terrarum usquequaque diffusis & receptum est & servatum; ita ut per eam & distributio facta sit dignitatum, & indicatum Christi fidelibus & diligenter ordinatum quod ad cultum pertinere vixum est pietatis. Ex hac siquidem data beato Petro à Domino potestate ipse ac successores ipsius per diversa mundi loca constituerunt Episcopos, & dignitates per provincias diviserunt. Nos etiam, qui eis, licet impares meritis, Domino vocante successimus, in loco qui Mons Regalis dicitur, pro multa utilitate populi Christiani metropoliticanam

sedem à pia memoria Domino Lucio prædecessore nostro statutam auctoritate apostolica confirmamus. Cum enim illustris memoria V. quondam Siciliæ Rex, divina caritatis igne succensus, ad gloriam Dei & salutem suam ac parentum suorum monasterium ibi fundasset, & primò locum ad id agendum beato Petro & Romanæ obtulisset Ecclesiae, ab episcopali subjectione per auctoritatem prædecessoris nostri felicis memoriae Alexandri Papæ assensumque bona memoria Walterij Panormitani Archiepiscopi liberum redditit & quietum; ac sic ædificis erigendis regiam curam impendens, brevi tempore templum Domino multa dignum admiratione construxit, castris munitissimis & redditibus ampliavit, librī & sacris vestibus & argento decoravit & auro, & tandem multitudinem monachorum de Cavensi ordine introduxit, & in tantum ædificiis & rebus extulit aliis locum ipsum, ut simile opus per aliquem Regum factum non fuerit à diebus antiquis, & homines in admirationem adducat ad quos ex auditu solo potuerit quod factum est pervenire. Deinde ad opus bonum, sicut cervus ad fontes aquarum, anhelans, & modicum reputans quicquid desiderio fecerat æternorum, juxta id quod sapientia dicit, *Qui edunt me, adhuc esurient; & qui bibunt me, adhuc siscent.* à prædicto Alexandro & Lucio prædecessoribus nostris ac fratribus cum multa instantia postulavit ut idem locus dignitate metropolitica donaretur; præsertim cum & illuc populum congregare cœpisset, & disponeret congregare, qui ex illa parte contra omnium inimicorum incursus in expugnabile munimen posset toti terræ conferre. Porro idem Dominus Lucius, deliberatione habita non parva cum fratribus, & attendens communem utilitatem quæ de incremento illius loci sperabatur, desiderio & petitioni ejus liberaliter acquievit; ne ubi liberalissimus ipse de thesauro & tenimentis suis extiterat, idem Papa de his quæ ad incrementum sibi apostolatus officium pertinebant existere difficilis videretur, & tanta ejus minueretur tarditate devotione, quam summi pontificatus studio de bono congruebat ad melius incitari. Nam & hoc pro desiderio ejus non parum facere videbatur, quod (licet insolitum esset) duas metropoles tam vicinæ consi-

Y ij